



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION



Bulevar Meše Selimovića 95, 71000 Sarajevo, Bosna i Hercegovina
Telefon: +387 33 276 676; Fax: +387 33 444 332
Email: info_nsbih@nsbih.ba; www.nfsbih.ba

PREDMET: Obavijest vezana za uslove i početak organizacije UEFA C licence

Poštovani,

poznato vam je da je UEFA u svojoj konvenciji koja je stupila na snagu 01.07.2020. godine, predvidjela uvođenje UEFA C licence. Nogometni savez BiH je također u svom pravilniku o edukaciji trenera iz decembra 2020. godine predvidio edukaciju trenera za UEFA C licencu.

Prije nego što dozvoli organizaciju kurseva za UEFA C licencu, UEFA će putem online seminara u periodu 11-20.01. 2021. godine, svim zemljama članicama prezentirati:

- Filozofiju UEFA C licence, koja je slična filozofiji Grassroots fudbala, sa ciljem omasovljenja baznog fudbala, inkluzivnim pristupom i fan konceptom rada trenera. Pristup u kojem svako dijete ima pravo da trenira i igra fudbal, gdje nije važno kada i koliko puta će pogriješiti, već koliko će ga puta trener motivisati da ponovo pokuša.
- Način organizacije, ciljeve edukacije, ishode učenja, silabuse, način ocjenjivanja i minimalne programske sadržaje UEFA C licence,
- Obrasce i administraciju kako aplicirati kod UEFA za organizacijom UEFA C licence,
- Upute vezane za organizaciju i realizaciju UEFA C kurseva i dr.

Tek nakon što prođu UEFA vebinari obuka i prezentacije svih bitnih pitanja po osnovu nove UEFA C licence, članice UEFA-e a među njima i NS/FS BiH, može podnijeti zahtjev prema UEFA-i da mu odobri program i dozvoli organizaciju UEFA C licence. Nakon odobrenja programa i aplikacije za UEFA C licencu od strane UEFA-e, edukacioni centar NS/FS će dostaviti UEFA-i termine za organizaciju UEFA C licenci. Na kraju ide obavjest na web strancu saveza i upis zainteresovanih kandidata na UEFA C licencu i realizacija kurseva.

Sav ovaj put je vrlo zahtjevan i traži određeno vrijeme. UEFA je planirala da je svaki savez obavezan do početka sezone 2022/23.godine, organizovati UEFA C licencu. Naravno da ćemo mi to uraditi što je moguće prije. Po nekim našim procjenama realno je očekivati da upis na UEFA C licencu počne krajem 2021. godine, o čemu ćete biti blagovremeno informisani. Molimo vas da razumijete situaciju, da budete strpljivi i da slijedite upute koje ćemo redovno objavljivati na web stranici saveza. Odgovore na dodatna pitanja u vezi UEFA C kurs, možete dobiti u Edukacionom centru NS/FS BiH ili na telefon: +387 33 276 661 svakim radnim danom od 08:30 do 16:30 sati.

